



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCXCI. Vollmacht für den Vogt der Neumark, Mathias von Uchtenhagen, zur Verleihung adlicher Lehne und Leibgedinge, vom 27. Januar 1505.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

CCXC. Kurfürst Joachim und Markgraf Albrecht belehnen die von Grüneberg mit Balfow,
Groß- und Klein-Lübbichow, am 21. März 1504.

Von gottes gnaden wir Joachim, Churfurst etc. vnd Albrecht, gebruder, Marggrauen zu Brandenburg, Bekennen vnd thun kunt offentlich mit dissem briue vor vns, vnser erben vnd nachkomen, Marggrauen zw Brandenburg vnd sunst vor allermeniglich, das wir vnfern lieben getrewen Fryczen, hanfen, Balczaren, Casparen, peter vnd Casparen, gebrudern vnd vettern, alle von Grunenberck genannt, zu Balckow vnd Sandow gefessen, vnd Iren menlichen leibs lehens erben disse hirnachgeschriben dorffer vnd guter zu rechtem manlehen vnd gesampter hant gnediglich gelihen haben, nemlich das dorff Balck sampt anderthalben sebe vnd einer mollen daruor gelegen mit allen gnaden vnd gerechtigkayten, die dorffer lubichen vnd kleynen lubbichen mit allen iren zinsen, renten, pechten, holczungen, grefungen, buschen, wasseren, weyden vnd sunst aller freyheiten, zugehorungen vnd gerechtigkeyten, nicht aufgenommen, Inmassen die ir voreltern vnd sie bisher von vnser herschafft der Marggraueschafft zu Brandenburg zu lehen Inne gehabt, herbracht vnd besessen haben etc. — Geben zu Collen, am donerstag nach letare, anno etc. quarto.

Nach dem Churm. Lehnscopialbuche XXX, 137.

CCXCI. Vollmacht für den Vogt der Neumark, Mathias von Uchtenhagen, zur Verleihung
adlicher Lehne und Leibgedinge, vom 27. Januar 1505.

Von gotts gnaden etc., Entbieten dir vnserm lantuogt der Newenmarck, Rath vnd lieben getrewen Matthis von vchtenhagen vnfern grus zuuorn. Als wir dich dban zw vnserm lantuogt vffgenommen haben, Beuelhen wir dir vnd Geben dir hiemit gewalt, das dw dem gemeinen adel In vnser newenmarck Ir vetterlich vnd bruderlich lehen, Inmassen die Ir Eltern jn lehen vnd besitzung herbracht, von vnfern wegen leihest, doch kein verandrung noch newrung vergonnest noch gestattest, auch des adels huffrawen nach Irem einbringen, wie landes gewonheit ist, verleyppgedingst vnd nicht hoher, vnd wes dw doran handelst vnd thuft, alles verzeichnet In vnser Cantzley senden, domit solichs In vnser Register gebracht werde, Daran geschicht vnser wille vnd meynung. Datum mit vffgedrucktem Secret, Geben zu Coln, am montag nach paulj conuerfionis, Anno etc. quinto.

Nach dem Churm. Lehnscopialbuche XXXII, 162—163.